

ARÐSKRÁ**Veiðifélags Reyðarvatns.**

Svæði	Einingafjöldi
Pverfell	418,00
Afréttarland Lunddælinga	275,00
Afréttarland Andkílinga	307,00
	<hr/>
	Samtals 1000

Miðað er við að arðskrá þessi taki gildi frá og með 1. janúar 1982.

Ofanskráð arðskrá hlaut samþykki allra fundarmanna á aðalfundi félagsins 2. apríl 1982, 45 atkv. með en engin á móti.

Í félaginu eru 58 atkvæðisbærir félagar.

Arðskrá þessi er gerð samkvæmt lögum nr. 76 25. júní 1970 um lax- og silungsveiði og birtist til eftirbreytni öllum þeim, sem hlut eiga að máli.

Landbúnaðarráðuneytinu, 25. apríl 1983.

Pálmi Jónsson.

Ragnheiður Arnadóttir.

SAMÞYKKT**fyrir Veiðifélag Hrútsvatns, Rangárvallasýslu.**

1. gr.

Félagið heitir Veiðifélag Hrútsvatns. Heimili þess og varnarþing er Ása- og Djúpár-hreppar, Rangárvallasýslu

2. gr.

Félagið nær til allra jarða, sem land eiga að Hrútsvatni, en þær eru Sandhólaferja, Ásmúli, Framnes, Áskot, Ás I, II, III, IV og Hellnatún I, II.

3. gr.

Verkefni félagsins er að viðhalda góðri fiskgengd á félagssvæðinu og rádstafa veiði eftir því sem aðalfundur ákveður. Félagið tekur til allrar veiði á félagssvæðinu.

4. gr.

Stjórn félagsins skipa þrír menn, formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl þannig, að formaður gengur út eftir eitt ár, annar meðstjórnandinn eftir tvö ár, og hinn eftir þrjú ár, og helst svo sama röð áfram. Enginn atkvæðisbær félagsmaður getur skorast undan endurkosningu, nema sérstök forföll hamli, eða að hann hafi verið í stjórn í þrjú ár. Kjósa skal tvo varamenn og tvo endurskoðendur til tveggja ára í senn, þannig að annar varamaðurinn og annar endurskoðandinn gangi út annað árið, og hinir hitt árið.

5. gr.

Stjórnin hefur á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins, sem vinna þarf á hverjum tíma, og semur við þá um þóknun fyrir. Formaður er fulltrúi félagsins út á við og hefur yfirumsjón með öllum störfum félagsins og fjárreiðum.

Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiðitíma og veiðitæki, og með hvaða kjörum leyfið er veitt.

6. gr.

Aðalfund skal halda í aprílmánuði ár hvert. Á aðalfundi skýrir stjórnin frá störfum félagsins á liðnu starfsári og leggur fram tillögur um starfsemi þess á næsta ári. Þá skal hún leggja fram endurskoðaða reikninga félagsins og úrskurðar fundurinn um þá.

7. gr.

Reikningsár félagsins er almanaksárið. Stjórninni ber að færa reikningana í gerðabók, sem henni er skylt að halda, svo og samþykktir félagsins, félagaskrá, arðskrá, fundargerðir og bréf.

8. gr.

Arði af sameiginlegri veiði skal skipt niður á félagsmenn samkvæmt arðskrá. Félagsmenn greiði gjöld til félagsins í sömu hlutföllum og þeir taka arð.

9. gr.

Brot á samþykkt þessari varðar sektum samkvæmt XVI. kafla laga nr. 76/1970 um lax- og silungsveiði.

Samþykkt þessi er gerð samkæmt lögum nr. 76 25. júní 1970 um lax- og silungsveiði og birtist til eftirbreytni öllum þeim, sem hlut eiga að máli.

Landbúnaðarráðuneytið, 25. apríl 1983.

Pálmi Jónsson.

Ragnheiður Árnadóttir.

AUGLÝSING

um friðlýsingu Tröllabarna í Lækjarbotnum, Kópavogi.

Samkvæmt heimild í 22. gr. laga nr. 47/1971 um náttúruvernd hefur Náttúruverndarráð, að tillögu bæjarstjórnar Kópavogs í samráði við náttúruverndarnefnd og skipulagsnefnd kaupstaðarins, fyrir sitt leyti ákveðið að friðlýsa landsvæðið umhverfis Tröllabörn í Lækjarbotnum í Kópavogskaupstað sem náttúruvætti.

Mörk hins friðlýsta svæðis eru þessi:

Mörkin fylgja hnitapunktum úr hnitakerfi Reykjavíkur frá 1951 og eru beinar markalínur á milli punkta. Að norðan fylgja þau suðurbrún Suðurlandsveggar frá punkti 66 sbr. meðfylgjandi uppdrátt (hnit x: 9253.35, y: 10824.29), austur að punkti 69 (hnit x: 9056.63, y: 10765.23). Þaðan hornrétt á Suðurlandsveg til suðurs í punkt 39 (hnit x: 9161.90,